

雲南通志



雲南通志



表

唐

賀破吐蕃表

同平權德輿
章事 略陽

伏以聲教所被遐邇大同蠶絲西戎尚有遺類或犯亭鄣
且稽靈誅陛下睿算無窮天威遠震以夷裔感恩之衆佐
藩隅制勝之臣地取以多方累獻捷事皆前定必稟聖謨
斬將搃旗出於料外堅城便地盡落彀中通荒服會朝之
途絕餘孽覲覲之隙奉威懷之命以律而臧兼夷夏之師
在和而克此皆陛下神武潛運妖氛永清由是成擒自當
盡敵臣等謬當樞近媿乏廟謨幸覩成功不勝大慶

請築羅城禦南詔表

節度使 高 駢 渤海

臣聞仗鉞擁旌顯受專征之寄嚴邦守土必尊共理之規
冀勵節以輸忠類興利而除害伏以臣當道山河雖嶮城
壘未寧秦張儀收蜀之時已曾版築隋楊秀守藩之日亦
更增修堅牢雖壯于一隅周匝不過於八里自咸通十年
以後兩遭蠻寇攻圍數萬戶人填咽共處池泉皆竭熱氣
相蒸其苦可哀斯弊可恤臣前年赴任之日纔過劍門料
蠻賊奔逃不敢回顧先遣走馬入府放出城內戶人莫不
懽呼稱見蘇息臣今欲與民防患爲國遠圖廣築羅城以
示雄閫將謀永逸豈憚暫勞臣深受國恩實思忠盡儻允

所奏乞宣付宰臣僉議

又築羅城成表

高駢

西川境邑南詔比鄰頻遭蠻蠻之侵凌益以牆垣之湫隘
兼是我兵同行剽劫賊路不能控扼軍營罕習干戈遂使
蒸黎枉遭塗炭臣初到統押便與經營更議遠圖以防後
患嚴設武備廣築羅城遂乃相度地形揣摩物力不思費
耗只繫安危趣十縣之人丁抽八州之將較分其地界受
以城基運土囊而子來持石杵而雲集金湯旣設鐵甕如
堅控地道之莫能徒云入寇縱雲梯之強立無計登陴白
露屋凌空躋攀莫及青城山對峙形勢不如覆瓦煙青

碑苔碧縱壘再至無計重圖皆仗陛下之睿謀使微臣之
創制

露布

唐

姚州道破諾沒弄楊虔柳露布

臨海
駱賓王
義烏
丞

臣聞北極列象六合奉天子之尊南面乘乾一統成聖人
之業是知衣裳所會義有輯於殊鄰霜露所均誠兼育於
異類故塗山萬國誅後至者防風丹浦一戎緩前禽者就
日然則陳弧矢以威天下法雷霆而震域中四時行焉天
道不能去殺五兵備矣王業所以勝殘雖事切救焚苟順
時而濟物恩深祝網不獲已而用兵伏惟皇帝陛下登翠
嬀以握圖居紫微而正象元功不宰混大始以凝神至道

無名佇華胥而得夢闡文教以清中夏崇武功以制九夷
環海十洲通波太液之水鄧林萬里交影甘泉之樹反踵
穿胷之域襲冠帶以來王奇肱僖耳之酋奉正朔而請吏
逆賊蒙儉和舍等浮竹遺嗣沈木餘苗邑殊禮義之鄉人
習貪殘之性日者皇明廣燭帝道遐融頗亦削左袵而被
朝衣解椎髻而昇華冕而豺狼有性梟獍難馴輒敢亂我
天常變九隆而背誕負其地險攜七部以稽誅騷亂邊疆
寇攘州郡用是三門授律長驅無戰之師五月渡瀘深入
不毛之地去月二十一日軍次三朶崑崙嶺前後捕得生
口知守捉山羌傍山連結十部蠻首徒五萬衆此山卽南

郡中之巨防也岡巒千里西通大荒之郊溪谷萬重南極
炎州之境聳喬林而插月陰靈有假道之標拔崇巖以隱
天陽鳥無迴翼之地峯危束馬路絕懸車賊據臨岱之形
垂建瓴之勢徵風名雨蜩起蜂飛驅雜種以挺災封狐干
里肆沈黎而作孽雄虺九頭臣以爲制敵以權柔遠者理
或存於德教伐叛以義決勝者不必在於干戈於是廣播
皇恩恭宣帝澤申之以安撫曉之以存亡信重蠻陬無負
黃龍之約賞隆漢爵不渝白馬之盟地接冉駝詞屢殫於
諭蜀俗通槃瓠聲不輟於吠堯臣遣左三軍子總管寧遠
將軍前守右驍騎萬安府長史折衝都尉上柱國劉會基

率檢校果毅驍騎尉井陘縣開國男劉元陳等銜枚遠襲
卷甲前驅偃危旆而設潛兵疑從天落乘閒道而掩不備
若出地中又遣右三軍子總管明威將軍行右武衛翊府
中郎將上柱國高奴弗率左武衛天水府折衝都尉張仁
操等陟南山之南衝其要害之路又遣左一軍子總管前
右金吾衛翊府左郎將上柱國孫仁感率衛尉府右果毅
都尉王文雅等凌北山之北絕其飛走之途賊首領楊虔
柳諾沒弄諾覽斯等振螳螂之力距轍當輪縱蚊蚋之羣
彌山滿谷劉會基高奴孫仁感等竝忠勤克著智略遠
聞識明君之重恩輕生有地提太阿之雄劍視死無時彎

弧而兇黨土崩舉刃而妖徒瓦解雖危茗沸鼎未窮梟首
之誅救死扶傷猶致析骸之爨二十二日臣遣副總管兼
安撫副使定遠將軍前左驍騎翊府中郎將令狐智通率
右武衛良將壯府左果毅都尉韓惠德等擁貔豹之雄順
天機而左轉遣管內安撫副使朝議大夫使持節守銀州
刺史上柱國宜春縣開國男李大志率前左武衛靜初府
右果毅都尉上柱國陳弘義等驅象犀之卒乘地軸以右
迴又遣行軍司馬朝散大夫守雋州都督府長史上柱國
梁待辟率守右金吾衛宜昌府果毅都尉閻文成等總投
石拔距之材蹈中權而拊其背又遣前守右威衛龍西府

果毅都尉康畱買等騰躍鐵歟金之騎犯前茅而扼其喉
臣等率守左衛清官府左果毅許懷秀等橫玉弩以高臨
縱金鉦而直道元雲結陣影密西郊赤莖揮鋒氣衝南斗
颺塵埃而匝地白日爲之晝昏掃氛祲以稽天滄溟爲之
晦色兵交刃接鳥散魚驚自卯及申追奔逐北斬首千餘
級轉戰三十里激流膏而爲泉似變萇弘之血委亂骸而
擠壑若泛鼃靈之屍旣而照盡高春雲昏乙夜賊乃收集
餘衆保據重巖臣度彼遊魂慮其宵遁使三軍齊進四面
合圍二十三日乘魚爛之危啓蛇形之陣揚麾誓衆仗節
訓兵一鼓先登賞必懸於芳餌九攻按律罪無赦於嚴誅

五部雄才三河俠少或生居燕地尤工卽墨之圍或家本
秦人早習昆明之戰叱咤則江山搖蕩慷慨則林壑飛騰
舉鵬翼以揚威耀犀渠而賈勇澄氛廓祲回夏景以潰春
冰滅跡掃塵若霜風之捲秋穽戰踰百里時歷三朝前後
生擒四千餘人斬首五千餘級諾沒弄楊虔柳等殞元行
陣懸首旌門蒙儉和舍等委衆奔馳脫身挺險雖復刑以
止殺丁壯咸伏於誅夷禮不重傷班白必存於寬宥昔魏
臣賊蜀徒聞蒟醬之奇漢使開邛邙通竹杖之利豈若膺
紫泥而弔伐指丹徼以臨戎一戰而孟獲成擒再舉而哀
牢授首斯蓋皇威遠暢廟略遐宣奉元猷以配天徒知帝

雲南通志 卷之二十一
力掩皇輿而闢地豈曰臣功不勝慶快之至謹遣某奉露
布以聞

破蒙瞼露布

駱賓王

臣聞七緯經天星墟分張翼之野八紘紀地炎洲限建水
之鄉西距大秦襍金行而布氣南通交趾枕銅柱以爲鄰
俗帶白狼人習貪殘之性河淪赤虺川多風雨之妖水積
炎氛山涵毒霧竹浮三節肇興外域之源木化九隆頗作
中原之患年將千禩代歷百王鄭純之化不追孟獲之風
愈煽故三年疲衆徒聞定笮之譏五月出師未息渡瀘之
役然則大人拯物上聖乘期法乾坤以握樞體剛柔而建

極知仁義不能禁暴設刑網以勝殘知揖讓不可濟時用
干戈而靖亂伏惟皇帝陛下祥螭載玉拓地軸以登皇道
契寢繩掩天紘而踐帝元雲入戶纂靈瑞於丹陵蒼籙昇
壇薦正圖於翠渚垂衣裳以朝萬國崇玉帛而禮百神昭
儉防奢露臺惜中人之產宣風布政明堂法上帝之宮致
羣生於太和登品物於仁壽四神踐雪五老飛星君圍祥
麟樂班文於先樂女牀鳴鳳咏歸昌於帝梧四隩同文五
風異色豐林萬里纔疏苑囿之基層城九重未浚池隍之
域六合照臨之地候月歸琛大鑪覆載之間占風納賁蠹
茲蠻貊敢亂天常橫赤燁以疏疆背朱提而設險山林萬

仞巖邑千重望秦阜以相傾峭陵失四塞之阻對梁山而
錯峙劍門成一簣之峯自謂絕壤幽荒中外足以迷聲教
憑深負固江河可以逃靈誅殊不知玉弩垂芒涵水無九
嬰之沴瑤堦舞戚洞庭有三苗之墟臣等謬以散材忝專
分闡白招乘候順秋帝以揚旌絳節臨邊遲夜郎以礪劍
雲開舊穴旆轉邛山峻坂九折之危盡忘襟帶滇池滿江
之固曾失藩籬惟逆賊設蒙瞶等未革狼心仍懷豕突陸
梁放命旅拒偷安地接祠鷄竟無心於改旦山多神鹿終
未見於擇音臣以大帝宣威有征無戰明王仗順先德後
刊弘聖澤於中孚緩天誅於大造庶南熏感愠仰雲闕以

翔魂東律和音扣轅門而頓顙祝禽疎網徒開三面之恩
毒虺挺妖逾肆九頭之暴鳩集餘衆蟻結兇徒儻耳椎髻
之徒千里霧合鑿齒雕題之孽一呼雲屯壘石菌以開營
拒巖椒而峻壘崇巒切漢若登藏寶之山絕壑憑霄似瞰
封泥之谷去前月十七日連營布陣據險揚兵東西三十
餘里馬步二十餘萬聚蚊蚋而合響聲若雷霆縱蛇豕以
爲羣氣衝宇宙臣遣中郎將令狐智通等擁拔山超海之
師當其步陣遣銀州刺史李大志等驅躍景騰雲之騎乘
其馬軍遣蘄州都督府長史行軍司馬梁待辟等領勁卒
三千絕其飛走之路遣臨源府果毅馬仁靜等勒精兵九